

海南叢書第四種

邢 唐
湄 西
丘 洲
集

海口海南書局印行

中華民國二十八年五月

全書一冊

定價大洋六角

著者

邢淵丘兩公

校訂者

王堯雲

出版者

廣州海口海南書局

發行者

海口瓊城海南書局

分售處

國內南洋各大書局

唐西洲先生疏傳

尚町主官區直詔不從其
而剛先生以道義稱名當時自
即累舉為市子并執佐扈
官至戶部左卿致和國都迄
在任清知無不盡心可謂
德者之重大臣之職不可或
已仲子稱平遠兼有文才
稱父文辭求之寔貴而不可
得證猶大者耳
聖人處中參悟其間通宗直臣
是宜是庸而致于紀兵賊滅絕
中外外夷皆受恩澤無異于由
仲子外孫抗敵爾來無異于由
仲子明堂周禮有奉殿翁已矣
嘉誠至誠皆非朝廷令需莫遠
神聖他分就體端立朝公堂當
行儀于其如是分食之恒悅
賜主至至若辭侍御並黃衣

市行題



※ 像 遺 公 洲 西 唐 ※

翩翩。以纘前修。會來風騫。澤留南海。集著西湖。言功不朽。知與德俱。余詞寡陋。何堪表揚。敬陳藻翰。式昭靈良。

傳

時大清光緒十九年十一月望前三日督學使者仁和後學徐 琪謹題

本傳

唐胄字平侯。東廂人。幼穎敏。博通經史百家。宏治戊午鄉試。壬戌會試。皆

魁禮經

賈志

授戶部主事。以憂歸。劉瑾斥諸服除久不赴官者坐奪職。瑾誅召

芳

用。以母老不出。嘉靖初起故官疏諫。差內臣蘇杭織造。請爲宋死節臣趙與

珞追謚立祠。進員外郎。遷廣西提學僉事。爲購羣書以迪多士。令土官及獠

蠻悉遣子入學。擢雲南金騰副使。土酋莽信虐。計擒之。木邦孟養搆兵。胄

遣使宣諭。木邦遂獻地。屢遷廣西左布政使。官軍討古田賊。久無功。胄遣

使撫之。其魁曰。是前唐使君令吾子入學者。即解甲。

明史本傳

時王府宗室受封

賄官吏補支祿米。自出幼具題曰爲始歲費幾千萬石。乃奏革其弊。得旨如

議。通行天下。

獻徵錄

擢右副都御史。巡撫南贛。移山東。遷南京戶部右侍郎。

傳

芳

集

十五年。改北部。進左侍郎。帝以安南久不貢。將致討。郭勛復贊之。詔遣錦

衣官問狀。中外嚴兵待發。冑上疏諫不可者七。

疏見藝文

章下。兵部請從其議。

明年四月。帝決計征討。侍郎潘珍。兩廣總督潘旦。巡按御史余光相繼諫。

皆不納。後遣毛伯溫往卒撫降之。郭勛爲祖英請配享。冑疏爭。帝欲祀獻

皇帝明堂配上帝。

明史本傳

冑抗疏爭辯不屈。

疏見藝文

帝大怒。下詔獄。拷掠削籍歸。

遇赦復冠帶。

明史

及疾篤。聞帝奉章聖太后梓宮南祔。喜曰。此神聖之見也。猶

力疾北向叩首。

肅志

尋卒。隆慶初。贈右都御史。冑耿介。孝友好學。多著述。

立朝有執持。爲嶺南人士之魁。

明史本傳

爲文有理致源委。不尙浮靡。篤嗜白玉

蟾詩文。爲之精選。名瓊海摘稿。所著有瓊臺志。江閩湖嶺都臺志。西湖存

稿。行於世。

阮通志

祀鄉賢。子穆。嘉靖戊戌進士。禮部員外郎。爲人雅樸。有

父風。著有餘學錄。孫恪以廕授官。

肅志

御祭文

傳
隆慶元年。歲次丁卯。夏五月十八日。皇帝遣廣東按察司左參議夏道南。諭祭都察院副都御史戶部左侍郎唐胄曰。惟爾名著甲科。養宗丙舍。初分司於郎署。旋提學於士林。由副使以任開藩。旬宣績懋。擢副都而佐戶部。政事疏陳。廟享力爭。勛賞爲之奪氣。明堂禮議。宸衷諒厥孤忠。乃始宥之以容諫臣。繼寵之以復原職。情殷待用。天不憖遺。彌切悼傷。特頒卹典。爾靈不昧。尙歆服焉。

芳
集

傳

芳

集

通議大夫戶部左侍郎贈都察院右都御史西

洲唐公神道碑

王宏誨

自予髫髻時見父老談西洲唐公立朝節槩。私心嚮往之。比長入仕中朝。與脩國史。因讀公先後建白諸疏。乃擊節歎曰。嗟夫若西洲公者。豈不毅然大丈夫哉。嘗觀搢紳士夫平居矢口。言天下事。即引裾折檻。見若無難爲者。至當國家利害事變之衝。輒相率鼠首兩端。甚則卷舌固位。嗟乎此其人視公如何哉。公以嘉靖戊戌夏議獻皇帝明堂饗禮忤旨詔獄廷杖爲民而歸。是冬復冠帶踰年而卒。又踰年葬陶山潭緝之原。隆慶初奉詔卹錄乃晉公官都察院右都御史賜祭葬如例。故事仕登三品法得樹石神道。公嗣孫恪走書京師。以碑銘請予雅重公茲復忝公後進。載筆貞石。以掄闡幽。美昭來世。責惡可辭。按狀公諱胃。字平侯姓唐氏西洲其號也。先世桂林之興安人。宋淳祐間。始祖震刺瓊州卒于瓊。子叔建蔭瓊山縣尉。遂卜城東番蛋里家焉。叔建生次道迪功郎。瓊州戶錄。次道生闔瓊州學教授。闔生祖壽。祖壽生遜本州

傳

芳

集

學訓。遜生乾畀太學生。乾畀生平處士。太學生。處士則公之王父父也。俱以公貴。贈通議大夫都察院右副都御史戶部左侍郎。王母吳母陳皆贈淑人。公生而敏穎。於書無所不讀。弘治戊午舉于鄉。壬戌成進士。舉皆以禮記魁其經。授戶部山西司主事。丁外艱服闋。值逆瑾擅權。公謝病不出。瑾誅起。公復以母老乞終養。益肆力于學。蓋家食者幾廿年。肅皇帝入嗣大統。始赴召爲戶部河南司主事。時蘇杭織造。遞遣中貴人往大爲民害。公上疏諫止。詞甚剴切。已又疏請出內象。又疏爲宋死節諸臣請諡立祠。其所論列皆有關係政體。時論韙之。癸未春校會試。所得多名士。陞本司員外郎。尋擢廣西提學僉事。公提學以身範士。督師生習冠射諸禮。即僻邑遐風。巡歷皆遍。丙戌陞雲南按察司副使。備兵金勝。飭號令。治軍旅。境內肅然。土酋莽信橫虐。莫敢誰何。公遣壯士計禽之。逮其黨八人俱論死。保山令趙九臯與其子明。引逆賊劉七餘孽承檄漁民。民苦郡吏弗能制。公械繫之。九臯坐盜邊錢糧。例斬其首以殉。明坐抵命宣慰木邦。孟養爭地。搆兵連歲。鎮巡議興四省師。

傳

芳

集

往討之。公曰。毋煩師。是不戰而下。乃覈本邦先世與地所由。諭以國恩。本邦感激獻地。兵遂寢。丁亥。改本省提學副使。其所造士。一如西粵時。會有尋甸之變。總制提兵來者。柄臣私人也。囑公以故人子不聽時。三司憚其威議。迎參皆跪。公獨不從。疏乞致仕不允。陞雲南右參政。己丑。表賀如京。諸郡邑例餽夫廩。皆卻不受。既至見京。貴一無所遺。上疏請崇聖德。上嘉納焉。陞本司右布政使。壬辰。入覲陞廣西左。其年。至廣西時。桂林盜發。喜掘富家塚。王府諸臣巨姓。惴惴旦夕。公計獲渠魁七人。誅之。而古田鳳皇寨。韋賊尤大肆掠。時調土漢兵征之。無功。公屬其令劉朝輔曰。往諭吾意。天兵不可再干。如急來。吾能生之。朝輔如命往賊曰。是布政果前提學耶。卽解甲與朝輔偕至受質。而還輯其衆。境內大安。蓋公往提學時。嘗諭諸徭。送子入學授書。遺風猶有存者。先是各鎮守將月領銀賞徭名鹽魚銀。軍器局月支糧給軍名軍匠口糧。公按掌故謂洞首能戢諸徭。無掠乃賞。今各處警報。何賞爲。祇官吏冒耳。軍器局造以年。今年造未已。而支糧至十二年何也。悉

傳

芳

集

禁絕之。靖江王府宗人受封。輒請補祿。自登名玉牒日始。公曰。祿與爵偕。應始自拜封。從前誤也。且以靖江一府月補祿米八千石。合天下諸藩費當何如者。遂疏其弊於朝。宗室羣齟齬之。公屹不動。尋得旨俞允。通行各藩著爲令。蓋公在西粵。功績殊尤類此。他如疏請不隨王府慶賀。不行王府叩頭朝禮。及戢客兵不敢爲暴。人聞之皆吐舌。癸巳陞右副都御史。提督南贛汀漳。公以開府四省重鎮。而贛城卑小。何以示威。乃增築樓櫓雉堞。擬諸都會。按兩廣軍興條例著賞格。置湖西道檄守巡分。駐臨江吉安令。緩急可倚官軍遠邇帖然。僅半載改山東巡撫。再乞致仕不允。時值旱公焚香祝天。藩司分禱嶽瀆諸神。連日大雨。郡邑多蝗。公撰祭文命長吏傲周禮春秋禳祭。是歲無蝗子生。盡爲蝦蟆蟻子食。有蝗飛自邳淮來過沂州不下。歲則大熟。是時公方尋黃河故道。以疏三郡水災。覈通省荒田。給民牛種墾之爲世世永利。未就而陞南京戶部右侍郎。丙申春改戶部右侍郎。迨秋轉左。會安南弗靖。廷議興師往問罪。公曰。安南道路險絕。出師必無成功。且得其地不

可郡縣。永樂中事是也。因疏力言其不可者七事。武臣郭勛怙寵請其祖配享功臣廟。公復疏請止。上皆虛已可其奏。嗟夫公于君臣之際。亦已遇矣。乃明堂之議。聖心有默契古禮者。在廷諸臣。未必能知。公亦坐此不合。然肅皇帝之明。與公之忠。皆可以流光千古。若公者可謂終不遇乎哉。公卒爲嘉靖己亥四月十三日距其生天順辛卯十月二十二日。享年六十有九。配鍾氏。出文昌甲族。貞惠有聞。累封淑人。子男三。長穆。戊戌進士。禮部儀制司主事。次秩。次稼。女三。長適尙寶司丞丘郊。次適周盤。次適馮昇。孫男二。恪。惇。恪官生。都察院照磨。即來請予碑銘者。孫女一。公天性至孝。事處士公敬養備至。疏歸侍養時。會陳淑人有疾。公手調藥朝夕不解帶。舍傍忽產蘇菰。取以供母。人以爲孝感。治家嚴而有方。冠婚喪祭。一遵古禮行之。素性儉衣履不擇敝好。處滇中數年。珍寶之物一無所携。所至解任之日。廨中供帳器皿。悉署籍以俟來者。自提學備兵至開府。東南士民。無不遮道攀轅。遂出境外。去之久而愈不能忘。爲文章根本六經。不務綺麗。所著有

傳

芳

集

瓊臺志四十四卷。廣西通志若干卷。江閩湖嶺都臺志十三卷。詩文若干卷。行于世。初公既罷歸。尋有詔復公冠帶。人謂上意原公且召公。而公逝矣。公生平以范文正自期。身任天下之重。乃不獲竟所設施惜哉。是宜銘。銘曰。於燦唐氏。實始興安。爰及司徒。碩大且蕃。通籍廿年。優遊林壑。幡然而起。雲蒸龍躍。中外駭歷。藩臬薦更。乃簡中丞。乃陟貳卿。文武憲邦。勳猷名世。侃侃論列。弗嚴貴勢。批鱗削籍。易世旌忠。贈爵祭壘。愍卹優隆。已化者人。弗朽者德。鬱鬱佳城。過者其式。

傳 芳 集

傳芳集目錄

疏

諫討安南疏嘉靖十五年

駁郭英配享廟祀疏嘉靖十六年

明堂享禮疏

序

瓊臺志序正德十六年

三祠錄序嘉靖元年

崔清獻全錄序嘉靖十二年

王桐鄉摘稿序嘉靖四年

記

重修儋州儒學記正德十一年

目錄

重建萬州儒學記正德十一年

論

節錄平黎事以備後論

節錄撫黎土官事以備後論

節錄征黎事以備後論

平黎總論

墓碑

重修趙考古先生墓碑

詩

五言古 三首

謁桐鄉王汝學先生

普潮

傳

芳

集

七言古

六首

余自南贛赴撫山東贛郡博吳誠以鄉人攜酒來送過宿賦此別之
送蔣郎中南使便歸全州省祖母

藤作並序

題慈谿顧繡衣追慕卷

題同年戴憲長蒼山賦別卷

送范僉憲西巡洱海

題戰功圖送劉太參歸會川

題守關忠節卷並序

五言律

十四首

次方伯東橋詩

其二

目錄

余自南贛赴撫山東陳都憲原習來代以年誼之厚操舟送至儲潭席間
賦詩見贈步韵酬之

關索嶺

贈許節婦

復周汝實以送饒令人覲詩請校

逢紹之姪

南安趙別駕璧以父母俱上壽同以十一月七日爲生辰繪上壽杯圖馳
獻予同年太守李彥文屬予作詩美之

題蒲陽吳知州以寬可以亭

題程孺人貞一

哭黃處士東臯惟堅

鴉小峒

宴長清張仲寶陳伯孚來訪

傳

芳

集

其二

七言律

十一首

閒中漫興

其二

衢州石塘橋

謝陳秉鈞送醃蟹詩

新春詠

紅鷄冠花

和少參陳龍山僉憲張白山遊冰井寺詩

補白沙口哀百姓有序

瓜州阻風以下三首見粵東詩海

寄酬王廷信贈別韻

憶朱南岡少參

目錄

五